

Tillaga skóla- og frístundaráðsfulltrúa Samfylkingarinnar, Viðreisnar, Pírata og Vinstri grænna um Barnabókamessu

Skóla- og frístundaráð leggur til að haldin verði Barnabókamessa í fjórða sinn í samstarfi við Reykjavík bókmenntaborg UNESCO og Félag íslenskra bókaútgefenda í þeim tilgangi að auka áhuga barna og ungmenna á lestri bóka. Á messunni verður lögð áhersla á að kynna nýjar íslenskar barna- og ungmennabækur fyrir fulltrúum skólasafna grunnskóla og leikskóla borgarinnar og þeim tryggt viðbótarfjármagn til að kaupa nýjar bækur að eigin vali á messunni fyrir bókasöfn starfsstöðva sinna á sérstöku kynningarverði. Lagt er til að sérstök fjárveiting til grunnskóla og leikskóla vegna Barnabókamessunnar verði alls 9 milljónir, sem rúmast innan fjárheimilda skóla- og frístundasviðs.

Greinargerð:

Á árinu 2017 gengu skóla- og frístundasvið Reykjavíkurborgar og Félag íslenskra bókaútgefenda til samstarfs um verkefni til að glæða áhuga barna og ungmenna á bóklestri. Barnabókamessan var haldin öðru sinni í nóvember 2018 og voru þá gerðar nokkrar breytingar á tilhögun, opnunartíma og staðsetningu messunnar til að mæta betur þeirri miklu aðsókn sem skapaðist strax í byrjun. Almenn ánægja var með framtakið og þær breytingar sem gerðar voru milli ára. Hagstæð kjör og sérstök fjárveiting skipta miklu máli til að allir nemendur geti notið þess að lesa nýjar bækur á sama tíma og umfjallanir um þær birtast í fjölmiðlum. Aðgengi að veglegu úrvali nýrra bóka fyrir jól jafnar aðstöðu barna og unglinga til aðgengis og lesturs. Þá má einnig nefna hversu gaman það hefur verið fyrir nemendur, jafnt sem starfsfólk, að líta fullar hillur af nýjum bókum á degi íslenskrar tungu, þann 16. nóvember.

Mikil ánægja hefur verið með þá brú sem Barnabókamessan hefur myndað á milli höfunda og útgefenda annars vegar og starfsfólks grunnskólasafnanna og leikskólanna hins vegar. Rekja má íslenska útgáfu bókaflökkanna PAX og Seiðmenn hins forna beint til slíkra samskipta. Samtals hafa nú komið út 8 bækur í þessum flokkum og njóta þær mikilla vinsælda í útlánum.

Líkt og undanfarin ár verður sendur út pöntunarlisti með verði bókanna ásamt rafrænum Bókatíðindum, nokkrum dögum fyrir messuna.

Lagt er til að Barnabókamessan 2020 verði haldin mánudaginn 9. nóvember og þriðjudaginn 10. nóvember. Þá er lagt til að opnunartími verði lengdur um helming eða í 12 klukkustundir í stað 6 á síðasta ári og að fulltrúum skólasafna grunnskóla og leikskóla verði boðið að sækja viðburðinn. Tímasetning messunnar í ár tekur mið af því að þá má ætla að flestir útgáfutitlar verði komnir úr prentun en hægt verður að panta allar bækur sem komnar verða á markað. Ekki er gert ráð fyrir sömu viðveru höfunda og útgefenda og áður, bæði vegna aðstæðna og einnig lengri opnunartíma. Þó má gera ráð fyrir einhverjir þeirra verði á svæðinu. Hægt verður að senda inn pantanir og fá sendar.

Í ljósi aðstæðna verði boðið upp á eftirfarandi sóttvarnir;

- Hanskar, grímur og spritt á staðnum fyrir alla
- Tvö hólf; Barnabókamessan verði í tvöfaldri uppröðun og girt á milli svæða A og B. Afgreiðslukassar verða innan hvers svæðis. Skólar sem byrja á upphafsstöfunum A-J fara á gang A og þeir sem byrja á K-Ö fara á B gang.

- Helmingi lengri opnunartími tryggir meiri dreifingu gesta sem jafnframt minnkar smithættu.
- Dregið verði úr viðveru höfunda og útgefenda þó alltaf verði einhverjir á svæðinu.
- Hvatt verði til að fólk komi með fjölnota poka með sér.

Verðlagning verði með sama hætti og áður. Á síðustu Barnabókamessu var keypt fyrir kr. 11.620.113 auk þess sem nokkuð margir leikskólar greiddu með innkaupakortum. Sérstök fjárveiting var 9 milljónir. Margir nýta jafnframt sín föstu fjárframlög til kaupa nýrra bóka enda kjörin mjög hagstæð.

Hér fyrir neðan eru útlán nokkurra skóla tekin saman. Til samanburðar eru árin 2016 og 2019. Útlán bóka frá okt.-des. hvort ár. 2016 er árið áður en Barnabókamessur byrjuðu.

Skóli	2016	2019	%
Árbæjarskóli	3.531	3.511	-1%
Breiðagerðisskóli	1.691	2.188	29%
Breiðholtsskóli	2.381	3.486	46%
Foldaskóli	1.798	3.440	91%
Grandaskóli	2.014	4.570	127%
Háteigsskóli	3.274	4.499	37%
Hólabrekkuskóli	3.892	4.873	25%
Laugarnesskóli	3.907	5.495	41%
Réttarholtsskóli	255	420	65%
Rimaskóli	2.002	4.373	118%
Vesturbæjarskóli	3.310	4.083	23%
Samtals:	28.055	40.938	46%

Bókakaup skóla- og frístundasviðs í heild síðustu ár í m.kr. er skv. neðangreindu, það sem er bókfært á lykla 5210 Bækur, blöð og tímarit og lykil 5384 Bókakaup til útlána.

Ártal	Fjárhæð í m.kr.
2015	26
2016	28
2017	29
2018	45
2019	44
2020	19